

亥23
6(2)K11

徐氏十三種醫書

中華圖書館印行



外科正宗卷七

明崇川陳實功著

吳江徐大椿靈胎評

海甯許

蔣光燾寅防校

流注論第三十二

夫流者行也乃氣血之壯自無停息之機注者住也因氣血之衰是有凝滯之患

楣案流注者其毒流走而竄注也此解似非

其形漫腫無頭皮色不變無論穴道隨處可生凡得此者多生於體虛之人勤勞之輩不慎調養夏秋

露臥縱意取涼熱體當風圖身快爽或中風邪發散未盡或慾後陰虛外寒所侵又或惱怒傷肝鬱結

傷脾榮氣不從逆於肉裏又或跌打損傷瘀血凝滯或產後惡露未盡流宿經絡皆成斯疾既成之後

當分表裏寒熱虛實邪正新久而治之初因風寒所中表證發散未盡者人參敗毒散散之房慾之後

體虛寒氣外侵者五積散加附子溫之

附子徐勒

勞傷鬱怒思慮傷脾而成者歸脾湯加香附青皮散之跌

撲傷損瘀血凝滯而成者復元活血湯逐之產後惡露未盡流注經絡而成者木香流氣飲導之此皆

初起將成治法一服至三四服皆可外俱用琥珀膏敷貼其中亦有可消者十中五六如服前藥不得

內消者法當大養氣血

徐曰尤當消痰

培助脾胃溫暖經絡通行關節木香流氣飲十全大補湯俱加熟附子

香附

熟附子徐勒

培助根本如此則未成者消已成者潰已潰者斂終無殘敗破漏不斂之證如有膿宜急

閉之患者又當慎起居戒七情遠寒就溫庶可保全若誤用寒涼剋伐內消等藥終至不救者多矣

徐曰流注有虛痰實痰兩種 又曰流注一證由風寒入膜所致膜在皮中旁通四達初無定處所以

隨處作患此真脈絡之病故古人製大活絡丹以治之其餘煎丸皆非正治蘇州一小兒甫九歲患流

注肩背腰脇十餘處百端醫治無效余曰此惟大活絡丹能愈服至三十餘丸未破者消已破者收口

更服補氣血之藥而愈

此條從洄溪醫案采入

流注看法

初起漫腫皮色光亮微熱微疼筋骨不牽强者順已成身體微熱飲食有味疼痛有時腫生紅色者順已潰膿稠而黃腫消痛止身體輕便起坐如常者順潰後內肉易生膿水易止精神易復膿口易合者順初起身體發熱脈細而數皮色微腫痛徹筋骨者險已成飲食少思口乾作渴身體疼痛四肢沉重者險已潰膿水清稀腫仍不消虛熱不退疼痛不減者逆潰後膿穢不止肌膚瘦削飲食不殮發熱皮粗者死

徐曰看法亦與諸證同

流注治法

初起風寒表散未盡而復腫痛者再宜和解之表邪已盡而後復生流注者宜清熱消腫行散氣血暴怒

所傷抑鬱所致胸膈痞悶中氣不舒宜順氣寬中腫硬已成而不得內消者宜和氣血更兼補助脾胃跌撲閃肭瘀血凝滯爲患者宜調和氣血通行經絡寒邪所襲筋攣骨痛及遍身疼痛者溫經絡行氣血產後敗血流注關節致生腫痛者當散敗瘀養氣血潰後膿水不止而形衰食少者宜滋氣血酸補脾胃

徐曰亦與諸證同

流注治驗

一男子風寒表散未盡兩腮腫痛微熱不退用小柴胡湯加川芎天花粉徐勒桔梗連翹二服熱頓退又以二陳湯加桔梗黃芩牛蒡子連翹四服十日而安

徐曰此乃風痰非流注也

一男子勞傷受寒背生三腫皮色不變寒熱交作至夜尤甚先以萬靈丹洗浴發汗寒熱頓退惟腫硬不消以琥珀膏敷之三次腫消痛止漸平

徐曰此亦風痰所聚

一婦人因怒脇下結腫將近半年方痛此肝氣鬱結之證用木香流氣飲四服其腫漸紅蓋病久必欲作膿不可內消又以十全大補湯徐曰加木香香附青皮十餘服腫漸高又以本方加皂角刺五服其膿

乃潰清而且多此元氣已經虧損所致服人參養榮湯加熟附子此味月餘膿始稠少本方倍參耆歸朮兩月而愈

一男子元氣素虛因暴怒脾生腫塊疼痛牽強寒熱往來飲食日減以補中益氣湯此五字徐勒批曰不切加香附

貝母十餘服寒熱漸止又服益氣養榮湯月餘而腫潰間服八珍湯外用香附餅日灸二次徐田亦脾

胃健而安 孀婦項間乳上各腫一塊將近一年漸大而痛診之脈細數而無力此思慮過傷之證用

歸脾湯加桔梗香附十餘服腫漸高以琥珀膏敷之色漸紅欲其作膿以十全大補湯加桔梗貝母服

之半月膿熟鍼之頭腐膿清虛熱復作食少不睡仍以歸脾湯間逍遙散服之三月而愈

一男子平素怯弱腰後微腫一塊飲食少思口乾發熱此腎傷也治當朝以附桂八味丸以上七字徐勒批曰大誤午

用人參養榮湯扶植根本為要彼以口乾發熱為內有火徐曰既有此證何得又用熱藥欲投清涼之劑解之徐曰其死亦不

以徒用涼藥之故余辭不治彼請內科治之以退熱為主正合其意投藥三劑腹痛作瀉又以豬苓澤瀉厚朴

此三味徐勒批曰大謬泄氣等藥投之大熱發作形體更變復請余治余曰死期速矣因虛致病法當滋補況腫

在腰間內腎受傷口乾作渴腎水枯竭發熱不退陰虛血少今以有餘之藥而療不足之證豈有不死

者哉又半月而死

徐曰以上所載五案皆係痰毒並非流注之病流注者纏綿不已或五或六或九愈者愈發者發變
萬端若初生一兩個旋即消潰皆非真流注也

調和榮衛湯

調和榮衛湯芎歸赤芍白芷併烏藥

獨活甘草耆大茴牛膝紅花兼陳皮

治流注初起氣血凝聚結腫不散已成未成並服

川芎

當歸

陳皮

獨活

赤芍

白芷

烏藥

大茴香

黃耆

甘草

紅花

牛膝

水二茶鍾煎八分入酒一杯量病上下服

徐曰通治之方但少痰藥 桐案大茴香一味徐勒批曰此味不解

木香流氣飲

木香流氣飲芎歸枳殼檳榔防枳實

蘇桔青陳烏澤耆陳甘半芍大腹皮

治流注癰癰及鬱結為腫或血氣凝滯偏身走注

作痛或心胸痞悶咽嗌不利脇腹膨脹嘔吐不食上氣喘急欬嗽痰盛或四肢面目浮腫者

川芎

當歸

紫蘇

桔梗

青皮

陳皮

烏藥

黃耆

枳實

茯苓

防風

半夏

白芍

甘草

節

大腹皮

木香

檳榔

澤瀉

枳殼

牛膝

水三茶鍾薑三片棗一枚煎八分食遠服

徐曰此流注主方藥味太雜宜擇用 桐案青皮烏藥大腹皮木香檳榔徐圖

六鬱湯

六鬱湯內用川芎甘梔蒼朮砂仁等

半夏陳茶香附同濕痰流注即時通

治諸鬱結腫及左右二搭相串濕痰流注等證



川芎 半夏 茯苓 香附 陳皮 山梔各一錢 蒼朮 砂仁 甘草各五 水

二茶鍾薑三片煎服

附子八物湯附子八物湯青芍甘草肉桂當歸等熟地人參尤甚若木香薑棗效如神 治房慾後陰虛受寒致生腫塊又或偏身腿脚疼

痛不能步履

川芎 白芍 熟地 人參 白朮 茯苓 當歸 附子各一錢 肉桂五分 木香

甘草各三分 水二茶鍾薑三片棗一枚煎八分食遠服

徐曰此通治虛寒之方非流注之方凡立方總當兼顧本證一二不可全不照應

瘡科流氣飲瘡科流氣飲青歸防風枳殼香烏藥白芷人參厚朴隨 治流注及一切鬱怒凝滯氣血作腫疼痛或胸膈

痞悶或風寒濕毒搏於經絡結成腫塊者

當歸 甘草 紫蘇 人參 白芍 官桂 黃耆 防風 枳殼 烏藥

桔梗 厚朴各七分 檳榔 木香 川芎 白芷各五分 水二茶鍾煎八分食前服

徐曰此亦流注通治之方與前同

通經導滯湯通經導滯湯香附赤芍青歸熟地鹽陳丹枳蘇甘草節牛膝紅花獨活宜 治婦人產後敗血流注經絡結成腫塊疼痛者



上海中医药大学图书馆藏

香附 赤芍 川芎 當歸 熟地 陳皮 紫蘇 牡丹皮 紅花

牛膝 枳殼各一錢 甘草節 獨活各五錢 水二茶鍾煎八分入酒一小杯食前服

徐曰亦與前方相同皆重出

香附餅

香附餅用香附末 酒和調成患上安 震斗將來乘熱熨

兼資火力散風寒

治風寒流注襲於經絡結成腫痛用香附餅酒和量

瘡大小做餅覆患處熱熨斗熨藥上未成者自消已成者自潰風寒濕毒宜薑汁作餅

徐曰外治良法

醒脾湯

醒脾湯中參朮耆 茯神遠志柴甘桔

黃連酸棗地骨皮 木香香附龍眼宜

治懷抱鬱結思慮傷脾致脾氣不行逆於肉裏乃生瘰

腫疼痛不眠心煩不安神氣不清

白朮 黃耆 人參 茯神各一錢 酸棗仁 地骨皮 遠志各七錢 柴胡 甘草

桔梗 黃連 木香 香附各五分 龍眼肉七個 水二茶鍾薑三片棗二枚煎八分不拘時服

徐曰即歸脾湯意

調中大成湯

調中大成湯朮附 砂仁遠志丹陳草

芩歸芍藥藿參耆 黑棗二枚薑用煨

治流注潰後膿水清稀飲食減少不能生肌收斂

白朮 茯苓 歸身 白芍 陳皮 山藥 牡丹皮 黃耆各一錢 人參二錢



藿香

砂仁

遠志

甘草

各五分

附子

肉桂

各八分

水二茶鍾

煨薑三片

聚二枚

煎八

分食連服

徐曰此病後調養方

黃耆六一湯

黃耆六一湯參草流注腫多併作渴

三味同煎功不小更兼煩躁煎當好

治流注潰後膿水出多口乾作渴煩躁不甯

黃耆

六錢半生半蜜水炒

甘草

一錢五分半炙

人參

一錢

水二茶鍾煎八分食遠服

散血葛根湯

散血葛根湯半夏甘草細辛併蘇葉

芎防羌葛芷升麻橘梗香附與紅花

治跌撲損傷瘀血凝滯結成流注身發寒熱者

乾葛

半夏

川芎

防風

羌活

升麻

桔梗

各八分

白芷

甘草

細辛

蘇葉

香附

紅花

各六分

水二茶鍾葱白三枚薑三片煎八分不拘時服

徐曰如果敗血當更加血分藥此方尙未到

先天大造丸

先天大造丸歸杞烏茅巴骨故紙膝

尤地參苓菟蓯黃車志青鹽棗二香

治風寒濕毒襲於經絡初起皮色不變漫腫無頭

或陰虛外寒侵入初起筋骨疼痛日久遂腫潰後膿水清稀久而不愈漸成漏證者

紫河車

一具酒煮搗膏

熟地黃

四兩酒煮搗膏

歸身

茯苓

人參

枸杞

兔絲子

肉蓯蓉

酒洗搗膏

黃精

白朮

何首烏

去皮用黑豆同蒸搗膏

川牛膝

骨碎

補去白微炒

仙茅

浸去赤汁蒸熟去

皮搗膏

各二兩



川巴戟

去心炒

破故紙

建志各一兩

木香

青鹽

各五錢

丁香

三錢

黑棗肉

二兩

右爲細末煉

蜜丸如桐子大每服七十丸空心溫酒送下此方非獨流注成漏者可用又補一切氣血虛羸勞傷內損及男婦久無嗣息並有奇功

徐曰此通治補藥病後調養法 又曰此虛人潰後補藥初起禁用

琥珀膏

琥珀膏中用大黃同蒜搗稠敷患處

南星白芷鬱金香提毒之法此爲良

治一切皮色不變漫腫無頭氣血凝滯結成流毒毋論

身體上下年月新久但未成膿者

大黃

二兩

鬱金

南星

白芷

各一兩

共爲細末用大蒜頭去殼搗爛入上藥再搗稠入酒一

二匙調勻徧敷腫上紙蓋或卽熱痛或不痛俱待藥乾便效次日又有起泡又有不起泡者如有起挑去泡中黃水膏貼之自效

徐曰此弔毒法亦有必當用之法 又曰此提毒之法毒淺者自消凡一切無頭腫痛之證俱效 梔

附錄大活絡丹

治一切中風癱瘓痿痺厥拘攣疼痛癰疽流注跌撲損傷小兒驚癇婦人停經

白花蛇

烏梢蛇

威靈仙

兩頭尖

俱酒浸

草烏

天麻

全蝎

去毒

首烏

黑豆水浸

外科正宗

卷七流注

五



北京中医药大学图书馆藏

龜板炙 麻黃 貫仲 炙草 羌活 官桂 藿香 烏藥 黃連 熟地

大黃蒸 木香 沉香各二兩 細辛 赤芍 沒藥去油 丁香 乳香去油 殭蠶

天南星薑製 青皮 骨碎補 白蔻 安息香酒熬 黑附子製 黃芩蒸 香附酒浸 元參

白朮各一兩 防風二兩 葛根 虎脰骨炙 當歸各一兩半 血竭 七錢 地龍炙 犀角 麝香

松脂各五錢 牛黃 片腦各一人錢半 參 三兩 右藥各研稱准合和再研蜜丸如桂圓核大金箔為衣

陳酒送下須用白臘為置收藏以免泄氣

徐曰頑痰惡風熱毒瘀血入於經絡非此不能透達乃治肢體大證必備之藥他書活絡丹祇用地龍乳香等四五味乃治蔡霍人實邪之方不可用

流注應用方

十全大補湯 人參養榮湯 補中益氣湯 歸脾湯 益氣養榮湯 八珍湯俱見傷門

萬靈丹見傷門 小柴胡湯 二陳湯俱見傷門

乳癰乳巖論第三十三

夫乳病者乳房為陽明胃經所司乳頭為厥陰肝經所屬乳子之母不能調養以致胃汁濁而壅滯為膿

又有憂鬱傷肝肝氣滯而結腫初起必煩渴嘔吐寒熱交作腫痛甚者宜牛蒡子湯主之厚味飲食暴
然肝火妄動結腫者宜橘葉散散之又憂鬱傷肝思慮傷脾積想在心所願不得致經絡痞澀聚結成
核初如豆大漸若圍碁子半年一年二載三載不疼不癢漸漸而大始生疼痛痛則無解日後腫如堆
栗或如覆碗紫色氣穢漸漸潰爛深者如巖穴凸者若泛蓮疼痛連心出血則臭其時五臟俱衰四大
不救名曰乳巖凡犯此者百人必百死知覺若早姑用清肝解鬱湯或益氣養榮湯患者再加清心靜
養無量無礙服藥調理尚可苟延歲月若中年已後無夫之婦得此其死尤速故曰夫乃婦之天也惟
初生核時急用艾灸核頂待次日起泡挑破用披針針入四分此句徐勸批曰必更用冰蠅散條插入
核內此四字徐勸糊紙封蓋至十三日其核自落用玉紅膏生肌斂口再當保養庶不再發又男子乳癰與
婦人微異女損肝胃男損肝腎蓋怒火房慾過度以致肝虛血燥腎虛精怯血脈不得上行肝筋無以
榮養遂結腫痛治當八珍湯加山梔牡丹皮八珍湯徐勸口乾作渴者加減八味丸八味丸徐勸腎氣素虛者腎
氣丸已潰作膿者十全大補湯懷孕之婦乳疾曰內吹因胎氣旺而上衝致陽明乳房作腫宜石膏散
清之此句徐勸批曰不可用寒亦可消散遲則遷延日久將產出膿乳汁亦從膿竅流出其口難完有此者純用補
託生肌其口亦易完矣

徐曰乳病有數種種種各別須知之 又曰乳腫不同俱係陽明結氣結痰各有專方一槩醫藥皆有損無益也

乳癰乳巖看法

初起紅赤腫痛身微寒熱無頭眩無口乾微疼者順已成掀腫發熱疼痛有時一囊結腫不侵別囊者輕已潰膿黃而稠腫消疼痛漸止四邊作癢生肌者順潰後膿水自止腫痛自消新肉易生膿口易合者順初起一乳通腫木痛不紅寒熱心煩嘔吐不食者逆已成不熱不紅堅硬如石口乾不眠胸痞食少者逆已潰無膿正頭腐爛腫勢愈高痛勢愈盛流血者死潰後肉色紫黑痛苦連心吮氣日深形體日削者死徐曰乳癰與乳巖各有看法此乃乳癰看法也

乳癰乳巖治法

初起發熱惡寒頭眩體倦六脈浮數邪在表宜散之發熱無寒惡心嘔吐口乾作渴胸膈不利者宜清之憂鬱傷肝思慮傷脾結腫堅硬微痛者宜疎肝行氣已成掀腫發熱疼痛有時已欲作膿者宜託裏消毒膿已成而脹痛者宜急開之脾胃虛弱宜更兼補託潰而不斂膿水清稀腫不消疼不止宜大補氣血結核不知疼痛久而漸大破後惟流污水宜養血清肝

徐曰此亦是乳癰治法乳巖無治法不過使之遷延歲月不致痛苦惡具而已

乳癰乳巖治驗

一婦人因怒左乳腫痛寒熱交作服人參敗毒散一劑

人參敗毒散徐勒批曰不切

表證已退又用牛蒡子湯二服腫

消漸安

一婦人憂思過度久鬱成癆左乳結核如桃

徐曰此名乳核

半年似痛非痛欬嗽生痰身發潮熱診之脈微數而

無力此真氣雖弱而邪火尙未有餘如用藥合理尙堪調治先用逍遙散加香附貝母十餘服而欬嗽

漸止寒熱間作又用八珍湯加香附牡丹皮柴胡遠志十餘服身熱去其八九又服益氣養榮湯加青

皮木香兩月餘胸膈得利噯氣得舒飲食漸進肌膚漸澤外腫以阿魏化痞膏貼之半年餘而消

一婦人右乳疼痛腫如覆碗診之脈數有力此有餘證欲作膿也用託裏消毒散數服而脹痛針之出膿

碗許又用十全大補湯加香附十餘服而安

徐曰此是乳癰實證如乳子之時有此乃是外吹也

一婦人暴怒左乳結腫疼痛自服仙方活命飲二劑疼痛稍止結腫不消仍服清涼敗毒之劑

清涼二腫字徐勒

痛更作形體日弱診之脈浮數而無力此真氣虛邪氣實非補不可用益氣養榮湯四五服其腫始高

寒熱亦退又十餘服而膿潰兼服十全大補湯兩月而痊此證非純補豈能得愈

純補二字徐勣批曰外症無純補

一男子年過五旬因妻喪子不成立憂鬱傷肝左乳結腫半年痛甚作腐肝脈弦數先用小柴胡湯加青皮山梔遠志貝母數服而肝脈稍平又用八珍湯仍加前藥十餘服其腫漸腐爲膿更服益氣養榮湯庶保收斂彼爲內醫所惑謂鬱怒傷肝肝經有火不必用補更服降火流氣寬中等劑致食少便秘發熱作渴復請余治肝脈復弦口乾作渴邪火內淫飲食減少脾土受傷便秘發熱陰血竭而爲燥爲熱以上俱內損證也辭不治後月餘果死

徐曰此卽男子乳巖本屬難治

一婦人左乳結核三年方覺腫痛診之脈緊數而有力此陽有餘而陰不足也況結腫如石皮肉紫色不澤乃真乳巖證辭不治又一婦左乳結腫或小或大或軟或硬俱不作痛至半年餘腫如覆碗堅硬木痛近乳頭纍纍漏生疙瘩時痛時癢診之脈弦而數腫色慘黑不澤此氣血已死亦辭不治又一婦已潰腫如泛蓮流血不禁亦辭之後果俱死

徐曰此段所述皆真乳巖無愈理 梟案余所製消核膏凡乳核初起無內證貼之無不消者但除根甚難耳因循不治變爲乳巖則難治乳巖潰後宜貼陽和解凝膏近見刻本經驗良方載以鴉片灰作

總藥亦有得愈者附記於此 又案全生集乳巖治法初起用犀黃丸每服三錢酒送十服全愈或以

陽和湯加土貝五錢煎服數日可消倘誤以膏貼藥敷梟案貼余消核膏無弊說見癰癰門後定主日漸腫大內作一抽

之痛已覺遲治倘皮色變異難以挽回勉以陽和膏日服或以犀黃丸日服或二藥每日早晚輪服服

至自潰而痛者外用大蟾六隻分作三日每日早晚取蟾破腹連雜蟾身刺孔貼於患口內服千金託

裏散方見癰癰門註中三日後接服犀黃丸可救十中三四潰後不痛而癢極者無一毫挽回大忌開刀開則

翻花最慘萬無一活男女皆有此證

乳癰主治方

牛蒡子湯牛蒡子湯瓜蒌仁 銀花山梔甘草陳黃芩連翹柴花粉 青皮牛蒡皂角針 治乳癰結腫疼痛毋論新久但未成膿者


陳皮 牛蒡子 山梔 金銀花 甘草 瓜蒌仁 黃芩 天花粉 連翹

角針各二錢 柴胡 青皮各五分 水二茶鍾煎八分入酒一杯和勻食遠服

徐曰此乳證通治方 梟案瓜蒌仁青皮徐圖

橘葉散橘葉散內用柴陳 川青山梔青皮芩石膏連翹一錢等 橘葉廿片草五分 治婦人有孕胎熱為內吹有兒喫乳名外吹致乳結成

腫痛寒熱交作甚者惡心嘔吐



柴胡 陳皮 川芎 山梔 青皮 石膏 黃芩 連翹 各一分 甘草 五分

橘葉 二十片 水二茶鍾煎八分食遠服

徐曰亦通治方 梔案橘葉徐圈

清肝解鬱湯 清肝解鬱湯白芍 桔半青歸貝志陳 青皮生地併蘇葉 通氣香附梔茯神

治一切憂鬱氣滯乳結腫硬不疼不瘕久漸作疼

或胸膈不利肢體倦怠面色萎黃飲食減少

陳皮 白芍 川芎 當歸 生地 半夏 香附 各八分 青皮 連志 茯苓

貝母 蘇葉 桔梗 各六分 甘草 山梔 木通 各四分 水二茶鍾薑三片煎八分食遠服

徐曰與前法重

鹿角散 鹿角散用角三寸 炭火煨之令微紅 研服三錢酒調下 乳癰新起散無蹤 治乳癰新起結腫疼痛憎寒發熱但未成者俱效鹿角

尖三寸用炭火煨稍紅存性碾末每服三錢食後熱酒一茶鍾調服甚者再用一服必消

徐曰此單方

回乳四物湯 回乳四物湯四物 青歸地芍不可缺 加上麥芽能散乳 自然腫脹消無跡 治產婦無兒喫乳致乳汁腫脹堅硬疼痛難忍

川芎 當歸 白芍 熟地 各二錢 麥芽 二兩炒 爲粗末 水二茶鍾煎八分食遠服用脚布束緊兩

